


BILTEN





NIJE MOJA ZJENICA LJEPŠEGA VIDILA,
NIT JE ŽENA OD TEBE MILIJEG RODILA!
KAO DA SI STVOREN ONAKO KAKO SI TI HTIO,
STVOREN SI BEZ MAHANE – I LIJEP I MIO!"

(Iz mevludske kaside koju je napisao časni ashab, Hassan ibn Sabit, r.a.)



4	Uvodnik
5	Aktivnosti iz Zajednice
13	Islamske teme

INFORMATIVNE NOVINE ISLAMSKJE ZAJEDNICE BOŠNJAKA U ŠVEDSKOJ
SEPTEMBAR 2025. / REBIUL-EWEL 1447. H.G.



Mjesec septembar ove godine se gotovo u potpunosti poklapa sa mjesecom rođenja Muhameda, a.s. - rebiu-l-evvelom.

Tim povodom u našim džematima su priređeni mevludski programi u kojima smo pokazali koliko volimo Poslanika, a.s. Na taj način odazvali smo se naredbi Allaha, dž.š., iz 56. ajeta sure El-Ahzab:

„Zaista, Bog i Njegovi meleki blagosiljaju Vjerovjesnika. O vi, koji vjerujete, blagosiljajte ga i vi i toplo ga pozdravljajte!”

A u 21. ajetu iste sure Gospodar svjetova kaže:

„U Božijem Poslaniku, sigurno, imate dobar primjer da se ugledate - onaj ko za Boga i onaj svijet nadu vezuje i često Boga spominje.”

Nije, dakle, dovoljno samo učiti mevlude i salavate. Da bismo pokazali pravu ljubav prema Muhamedu, a.s., on bi nam trebao biti uzor u našem svakodnevnom životu. A

da bi nam postao uzor, potrebno je da ga dobro upoznamo.

Zato mjesec rebiu-l-evvel trebamo iskoristiti da što više čitamo i razmišljamo o životu Poslanika, a.s. Veoma je važno da tome ne prilazimo selektivno. Šta god pročitamo o njegovom životu, trebali bi razmišljati koliko to sprovodimo u vlastitim životima, posebno se to odnosi na ono što nam na prvi pogled izgleda teško.

Na taj način odgovorit ćemo i drugom ajetu iz ovog teksta i Muhamed, a.s., će nam postati najbolji uzor.


Da nam dragi Bog pomogne u ovome i svi drugim hairli poslovima.

Amin, ja Rabbe-l-alemin!

IDRIZ-EF. KARAMAN
GLAVNI IMAM



Aktivnosti iz Zajednice i džemata



ODRŽANA ONLINE SJEDNICA IZVRŠNOG ODBORA IZBUŠ-A

U ponedjeljak, 1. septembra 2025. godine, održana je online sjednica Izvršnog odbora Islamske zajednice Bošnjaka u Švedskoj.

Najviše vremena na sjednici posvećeno je predstojećim aktivnostima. Izvršni odbor je izrazio zadovoljstvo pripremama ljetnog susretu Bemufa, koji je planiran od 5. do 7. septembra.

Pored toga, razmatrana je organizacija Manifestacije u povodu 30 godina Islamske zajednice Bošnjaka u Švedskoj i posjete reisu-l-uleme Švedskoj tim povodom. Kao što je već ranije odlučeno, Manifestacija se održava 11. oktobra 2025. u Jönköpingu.

I na kraju, Izvršni odbor je dao podršku programu seminara za aktivne žene u džematima IZBUŠ-a, koji će se ove godine održati u prostorijama Džemata Vetlanda 27. septembra 2025.

Izvršni odbor je razmatrao i još neka pitanja iz svoje nadležnosti i donio nekoliko zaključaka i odluka u vezi s tim.

I.K.

HADŽ 2026.

OBAVIJEST O ORGANIZACIJI HADŽA 1447/2026.

Ovim obavještavamo sve zainteresirane da će Islamska zajednica Bošnjaka u Švedskoj i ove godine organizirati putovanje na hadž u saradnji sa Uredom za hadž i umru Rijaset Islamske zajednice u Bosni i Hercegovini.

Proces prijavljivanja za putovanje na hadž 2026./1447. počinje 11.08.2025. u 08.00 sati i završava se 29.08.2025. godine u 16.00.

Dakle, odlazak na hadž ćemo organizirati samo iz Bosne i Hercegovine.

Informacija o putovanju:

- očekivani polazak: u periodu od 18. maja do 23. maja 2026. godine,
- očekivani povratak: u periodu od 5. juna do 11. juna 2026. godine.

Letovi:

- u odlasku let Sarajevo – Džedda
- u povratku let Medina – Sarajevo

Obavezni dokumenti:

– isključivo bosanskohercegovački pasoš s rokom važenja nakon 10.12.2026. godine,

– potvrda o vakcinaciji protiv meningokoknog meningitisa uz uvjet, da vrijeme prošlo od primanja vakcine bude najmanje 10 dana a ne duže od 5 godina.

Više o uslovima i procesu prijavljivanja možete pročitati na www.hadziurma.ba ili na sljedećem linku:

[HADŽ 2026.](#)



hajj mabrour



DŽEMAT VÄRNAMO

NOVA DŽAMIJA

Dana 01. 10. 2025. godine Allahovom odredbom ulazimo u naš novi objekat, novu džamiju. Sa voljom i željom Svemogućeg, uz pomoć dobrih ljudi, i naš veliki trud i rad završili smo prvu etapu koju smo imali u nijetu da završimo i da uselimo u nove prostorije. U prvoj etapi je urađen prvi sprat (musalla za muškarce), drugi sprat (musalla za žene) i prateće prostorije za goste i musafire.

Nakon završetka prve etape nama još preostaje druga etapa koju imamo u nijetu da završimo u što skorije vrijeme kako bismo

mogli maksimalno da koristimo sve prostorije i da našem narodu i djeci u ovome gradu pružimo ono što im je zaista potrebno: mjesto za druženje, za učenje, za okupljanje, i sve to uz džamiju, uz vrijednosti koje džamija i džemat daju. U drugu etapu spada podrum sa učionicama i kuhinjom i prostorijama za ostale potrebe i aktivnosti.

Zahvaljujemo se glavnom imamu Švedske Idriz-ef. Karamanu, IZBUŠ-u te svim imamima i džematima koji su bili uz nas sve ovo vrijeme.

Allaha molimo da na ovome ne zastanemo, da zajedno gradimo Allahove kuće na svakom pedlju zemlje, da zajedno na putu dobra ustrajemo.

NOVI IMAM

Novi imam džemata Värnamo je Ahmed ef. Redžić. Rođen je 11.05.1996 godine u Tuzli, odrastao i osnovnu školu završio u Hadžićima. Nakon osnovnog, srednje obrazovanje nastavlja u Karađoz-begovoj medresi u Mostaru, te medresu završava 2015. godine. Iste godine odlazi u Tursku u grad Trabzon gdje upisuje Fakultet Islamskih Nauka na Karadeniz-teknik Univerzitetu. U Trabzonu boravi dvije godine gdje na prvoj godini uči turski, a na drugoj godini arapski jezik. Nakon toga je studije nastavio na Islamkom Univerzitetu u Medini, gdje je boravio 6 godina i završio fakultet - odsjek Šerijat. Trenutno je na masteru islamskih studija na Fakultetu Islamskih Nauka u Sarajevu. I od 18. 08. 2025. godine je imam našeg džemata Värnamo.



Bosniakiska Islamiska samfundet - Församlingen Värnamo

Islamska zajednica Bošnjaka u Švedskoj - Džemat Värnamo

Džemat Helsingborg: MEĐURELIGIJSKI DIJALOG



Bošnjačka islamska zajednica u Helsingborgu imala je čast da, 8. septembra 2025. godine, bude domaćin sastanka Grupe za međureligijski dijalog u Helsingborgu. Na sastanku su prisustvovali predstavnici različitih vjerskih zajednica, udruženja, studijskih saveza i institucija.

Diskutovalo se o važnim temama poput antimuslimanskog rasizma, sigurnosne situacije unutar vjerskih zajednica, te o ulozi zajednica u preventivnom radu protiv ovisnosti.

Među prisutnima bili su predstavnici Al-Salam Centra, Ezidijanske udruženja, predstavnici opštine grada Helsingborga, Inva-Sam-a, Islamskog udruženja Ardhmeira, Islamskog udruženja za humanitarne svrhe, Policijske uprave, studijskog saveza NBV i Švedske crkve.

Bošnjačka islamska zajednica već dugi niz godina aktivno učestvuje u ovakvim inicijativama, koje imaju za cilj jačanje dijaloga, saradnje i sigurnosti svih građana Helsingborga. Forum je važna platforma koja doprinosi međusobnom razumijevanju i inkluzivnijem društvu.

Zahvaljujemo se svim predstavnicima Grupe na dolasku, kao i našim džematskim aktivistima i volonterima koji su pomogli u organizaciji te priredili bosasnku zakusku i time dodatno uljepšali ovaj susret.

// Nezir Špodić

Džemat	Broj članova 12. 04. 2025.
MALMÖ	2442
STOCKHOLM	1920
GÖTEBORG	1641
NORRKÖPING	1294
OREBRO	1284
BORÅS	1083
SKÖVDE	900
LANDSKRONA	894
HELSINGBORG	818
VÄSTERÅS	803
GISLAVED	765
LINKÖPING	757
JÖNKÖPING	701
VÄRNAMO	660
VÄXJÖ	598
TROLLHÄTTAN	541
HALMSTAD	535
TRELLEBORG	455
VETLANDA	257
MOTALA	226
VARBERG	226
KALMAR	224
TROSA	199
SURTE	188
KARLSTAD	142
OSKARSHAMN	86
UKUPNO	19.639

**ČLANSTVOM U ISLAMSKOJ ZAJEDNICI
ČUVAMO NAŠU VJERU, TRADICIJU I IDENTITET**



BOSNIAKISKA ISLAMISKA SAMFUNDET
ISLAMISKA ZAJEDNICA BOŠNJAKA U ŠVEDSKOJ



BOSNIAKISKA ISLAMISKA SAMFUNDET
ISLAMSKA ZAJEDNICA BOŠNJAKA U ŠVEDSKOJ

UČLANI SE I TI
U NAŠU **ZAJEDNICU**

naša **ZAJEDNICA**

*naše trajno
dobro*




*“Što god vi udijelite, On će to nadoknaditi,
On najbolje opskrbljuje.”*

(Sebe', 39.)

**ČLANSTVOM U ISLAMSKOJ ZAJEDNICI
ČUVAMO NAŠU VJERU, TRADICIJU I IDENTITET**


BIS
Åkerssjövägen 10
461 53 Trollhättan

Telefon: 0763-10 24 47
E-mail: kontakt@izb.se
www.izb.se



Islamske teme





14

MEVLUD U NAŠEM VREMENU IZMEĐU SJEĆANJA I IZAZOVA RAZUMIJEVANJA

Almedin-ef. Spahić



Mjesec rebiu-l-evvel oduvijek je bio dragocjen trenutak u muslimanskom kalendaru – mjesec sjećanja na rođenje Poslanika, a.s., mjesec radosti i zajedništva. Tradicionalni mevludi, s melodičnim stihovima i dubokim porukama, oblikovali su duhovni horizont naših djedova i nana. Oni su kroz te stihove učili ko je bio Muhammed, a.s., i kakve je vrijednosti ostavio čovječanstvu.

Ali, upitajmo se iskreno: razumiju li nove generacije tekstove koje slušaju na mevludu? Dok stariji prepoznaju ritam i smisao svake strofe, mladi često čuju samo melodiju, a riječi im ostaju daleke, nerazumljive. Ako mevlud prestaje biti most prema poruci Poslanika, nego ostaje tek lijepa forma, zar ne bismo trebali zastati i razmisliti – kome zapravo govorimo i učimo?

Jezička složenost i poetske konstrukcije koje su nekada bile prirodan dio duhovnog horizonta, novim generacijama danas često ostaju nedokučive. Njihovo iskustvo mevluda svodi se na estetiku zvuka i melodije, dok suštinska poruka ostaje skrivena. U tom raskoraku otvara se

ozbiljan prostor za promišljanje: ako forma ostaje, ali poruka ne dopire, šta zapravo prenosi mevlud novoj generaciji ukoliko ista i prisustvuje mevludskim programima?

Današnje generacije žive u sasvim drugačijem okruženju. Oni su digitalni naraštaji – navikli na brze slike, kratke i interaktivne sadržaje, informacije dostupne jednim klikom. Njihova pažnja nije oblikovana dugim recitalima, govorima, nego pitanjima, dijalogom i mogućnošću da učestvuju. U tom svijetu, klasični mevlud, bez tumačenja i prilagodbe, lako postaje samo ceremonija kojoj se prisustvuje iz tradicije, a ne iz stvarnog razumijevanja.

To je izazov koji ne smijemo ignorisati. Ako poruka ne dopire do novih generacija, onda nije problem u njima – nego u našem načinu prenošenja. Ovdje se otvara pitanje ne samo forme, već i same pedagogije mevluda. Ako želimo da mevlud i dalje bude živa institucija, on mora postati dvosmjerni proces: prenošenje poruke, ali i otvaranje prostora da mladi pitaju, razmišljaju i osjećaju.

MEVLUD PREKO PRAGA DŽAMIJE

Vrijeme je da mevlud izađe preko praga džamija. Da ga ne doživljavamo kao jedan program godišnje, na kojem su uvijek ista lica, nego kao priliku da čitava zajednica oživi sjećanje na Poslanika. Navest ćemo samo neke od mogućih modela:

- ◊ Kvizove znanja i mektepska takmičenja o životu i porukama Poslanika – gdje će nove generacije učiti kroz takmičenje i vrijedne nagrade.
- ◊ Multimedijalne sadržaje – kratke filmove, animacije i interaktivne prezentacije koje poruku prenose jezikom i načinom koji mladi razumiju.

- ◊ Takmičenja u ilahijama i recitacijama – gdje će djeca i mladi sami izraziti emociju, umjesto da budu pasivni slušaoci.
- ◊ Radionice i otvorene razgovore – prostor da pitaju, sumnjaju, prevode, traže smisao i grade vlastiti odnos prema vjeri.
- ◊ Društveno-korisne akcije – jer najbolji mevlud je onaj koji se živi: u pomaganju slabima, u osmijehu prema drugom, u brizi za zajednicu.

Na taj način rebiu-l-evvel postaje više od sjećanja – postaje mjesec promjene, mjesec u kojem ljubav prema Poslaniku ulazi u svakodnevni život.



POTREBA OZBILJNE PRIPREME

Ovdje se otvara i jedno dodatno pitanje: koliko se ozbiljno pripremamo za obilježavanje rebiu-l-evvela? Često se dešava da se mevludski programi sklapaju nekoliko dana prije samog početka ili čak na dan održavanja, bez jasne vizije, bez kreativnih sadržaja i bez uključivanja novih generacija i ideja u proces planiranja.

Da li bismo i prema najbližem prijatelju ili članu porodice pokazali takvu površnost na njegov rođendan, da mu "otpjevamo pjesmicu" bez smisla, vrijednog poklona i sadržaja? Zašto onda mislimo da Poslanikov rođendan možemo dočekati bez ozbiljne pripreme, bez jasne poruke i bez novih plodova u zajednici?

Obilježavanje rebiu-l-evvela ne smije biti nalik praznoj čestitki, izgovorenoj bez osjećaja. To mora biti čin s ljubavlju pripremljen, kao kad djetetu pripremamo tortu, poklon i zagrljaj, želeći mu pokazati koliko nam znači. Tako i ovaj mjesec mora biti osmišljen s pažnjom i trudom, kako bi zajednica osjetila da je Poslanik prisutan u njihovim mislima, srcima i djelima.

Motivacija kreatora sadržaja na saveznom i lokalnom nivou, imama, vjeroučitelja i društvenih vođa mora biti jasna: rebiu-l-evvel nije običan mjesec, to je prilika za duhovno buđenje. Za njega se treba spremati unaprijed – promišljanjem, učenjem, osmišljavanjem sadržaja i aktivnostima koje će ostaviti trag u srcima novih generacija. Samo tako ovaj mjesec može donijeti promjenu, a

ne proći kao formalnost i redovna aktivnost.

PRILAGODBA NIJE ODUSTAJANJE

Važno je naglasiti: prilagodba mevluda nije napuštanje tradicije. To je njeno oživljavanje. Melodija i stih ostaju ljepota naše baštine, ali im moramo dodati tumačenje, dijalog i savremene forme. Ako tradiciju zatvorimo u nepromjenjivi okvir, rizikujemo da je nove generacije dožive kao nešto strano i udaljeno. Ako je, pak, otvorimo i približimo, ona će živjeti i dalje, snažnija nego ikada.

Rebiu-l-evvel nas svake godine podsjeća na Poslanika, a.s., ali i na našu odgovornost: da li smo poruku prenijeli novim generacijama tako da je razumiju i osjete? Da li smo se zaista pripremili, ili smo se zadovoljili

time da održimo program iz navike?

Na nama je da odlučimo hoće li mevlud ostati ceremonija za mali broj ljudi, ili će postati pokret koji inspiriše čitavu zajednicu.

Obaveza prema ovom mjesecu ne završava održavanjem jednog programa. Ona traje dok god živimo vrijednosti koje je Poslanik nosio – milost, iskrenost, pravdu i brigu za drugoga.

Samo tada mevlud ispunjava svoju svrhu: da ljubav preraste u razumijevanje, razumijevanje u promjenu, a promjena u svakodnevnu praksu. Mevlud tada nije samo pjesma prošlosti, već svjetiljka sadašnjosti i putokaz budućnosti.



MEKTEB – KOLIJEVKA ODGOJA I ZNANJA

Hvala Allahu, Gospodaru svih svjetova koji daje da sve Njegovom Voljom i odredbom skladno svemirom lebdi osim onoga što ljudska ruka dotakne. Neka su salavat i selam na sve poslanike, od Adema do Muhammeda, a.s., na sve učene, dobre ljude, šehide i one na putu istine. Svjedočimo da je Allah Jedan i svjedočimo da je Muhammed, a.s., posljednji Allahov rob, sluga i poslanik.

Draga omladino, poštovana braćo, cijenjeni džemate!

Današnja hutba govori o značaju mekteba i učenju vjere od najmlađih dana.

Ovu hutbu sam naslovio: „Mekteb – kolijevka odgoja i znanja“.

Kada se osvrnemo oko sebe, možemo da vidimo pravo stanje u kojem se nalazimo. Najučljivija stvar koju možemo vidjeti i primjetiti je nedostatak odgojenosti u svakom smislu.

Zato danas govorimo o mektebu. Na početku smo nove mektebske godine. Koliko je mekteb važan, dovoljno je da se osvrnete oko sebe. Bez ikakvih negativnih pretpostavki, razmislite koliko vam ljudi iz vašeg okruženja, bliskih prijatelja, poznanika, govori o važnosti vjere, duhovnosti, vjerovanju u Boga, koliko

vas ljudi podsjeća na Boga?

Poznato nam je da se svako dijete na dunjaluku rađa u svojoj prirodnoj vjeri islamu, ali ga roditelji učine muslimanom, kršćaninom, židovom ili vatropoklonikom.

Pitanje odgoja djece je temeljno pitanje roditelja, porodice, džemata i društva u cjelini. Generacije odgojene na zdravim principima, svim gore navedenim kategorijama osiguravaju stabilnu i prosperitenu budućnost.

Allah, dželle šanuhu, u Kur'anu kaže:

” Reci: Gospodaru moj, povećaj mi znanje!” (Ta-Ha, 114)

Ovaj ajet jasno pokazuje da je znanje blago koje vjernik stalno traži i čuva. Znanje je temelj imana, a bez znanja nema pravilnog vjerovanja ni ispravnog ibadeta.

Mekteb je prva škola svakog muslimana. To je mjesto gdje naša djeca uče ko je Allah, šta je namaz, kako da se čini dobro i da se kloni zla. Mekteb je kolijevka našeg identiteta, mjesto gdje se usađuju temelji morala i vjere.



Poslanik, sallallahu alejhi ve sellem, rekao je:

“Najbolji među vama je onaj koji nauči Kur’an i druge poučava.” (Buharija)

Zar može biti ljepša čast nego da tvoje dijete nauči Kur’an, da razumije vjeru i da postane od onih koji slijede Allahovu uputu?

Nažalost, svjedoci smo da mnogi roditelji zanemaruju mekteb, govoreći: „Dijete ide u školu, nema vremena.“ A zar ima važnijeg znanja od onog koje vodi ka Džennetu? Školsko znanje je potrebno, ali bez vjere i morala ono može postati opasno.

U mektebu se ne uči samo abdest i namaz, već i kako poštovati roditelje, pomagati drugima, govoriti

istinu i biti dobar čovjek. To je ono što čuva našu djecu od zla koje je danas svuda oko nas.

Zato, pozovite svoju djecu u mekteb. Podstičite ih, nagrađujte ih i budite im primjer. Ne zaboravite da će vam na Sudnjem danu biti postavljeno pitanje: „Jesmo li ti dali porodicu i potomstvo, pa jesi li ih čuvao i poučavao vjeri?“

Molimo Allaha da nas učini od onih koji uče i poučavaju, da naše domove ispuni Kur’anom, da naša djeca budu ponos islama i svjetionici dobra. Bože, molimo Te milošću Tvojom koja obvata sve.

Amin!

// *Www.izb.se, Suad-ef. Kazaferović*

POSLANIKOVI, A.S., MANIRI I PONAŠANJE

Njegovo dobro društvo, dobri maniri i radost sa svim tipovima ljudi je prikazano kroz mnoge ispravne predaje. Kada je njega Alija رضي الله عنه opisivao, rekao je: „On je bio najširokogrudniji od ljudi, najistinitoljubiviji, prirodno najuvijedniji i najplemenitiji sa svojim društvom.“ (Tirmizi)

Kajs Ibn Sa'd je rekao: „Allahov Poslanik ﷺ nas je posjetio. Kada je želio otići, moj otac Sa'd doveo mu je magarca sa podsedlom. Allahov poslanik, da ga Allah blagoslovi i podari mu mir, je uzjahao. Potom je Sa'd rekao: 'Kajs, pridruži se Allahovom Poslaniku.' Allahov Poslanik ﷺ mu je rekao da se popne sa njim. Odbio sam. Rekao je: 'Ili uzjaši sa mnom ili idi.' Tako sam otišao.“ U drugoj predaji je: „Jaši ispred mene – vlasnik je preći da bude naprijed.“ (Ebu Davud)

Allahov Poslanik ﷺ je sakupljao ljude uza se. Nije ih tjerao. On je čak ukazivao na ono što je bilo poželjno među bilo kojom skupinom ljudi i namještao ih je iznad njihovih drugova. Bio je oprezan i pažljiv oko ljudi, bez napuštanja svoje radosti ili dobre naravi sa njima. Obraćao je doličnu pažnju svojim ashabima i davao svakom od njih u svom društvu ono što mu pripada. Onaj ko je bio u njegovom društvu

mislio je da nikom nije ukazana veća čast nego baš njemu.

Bio je strpljiv sa kim god je sjedio ili mu bijaše prišao želeći nešto, tako kao da je ta osoba prva koja će otići. Kada je neko tražio nešto od njega, on bi mu to dao toj osobi ili bi joj ljubaznim riječima olakšao. Njegova vedrina i dobra narav postidila bi svakoga, bio im je kao otac. Oni su bili jednaki u odnosu na ono što im je bilo dodijeljeno od njega.

Ibn Ebi Hala ga je opisao govoreći: **, „On je uvijek bio pun radosti sa umjerenim raspoloženjem. Bio je ljubazan, niti osoran, niti grub, niti bučan.“

Niti bestidan, niti podrugljiv, niti previše las-kav. Ostavio bi hranu koju nije želio jesti bez da se požali na nju.

Allah Uzvišeni kaže:

„Samo Allahovom milošću ti si blag prema njima; a da si osoran i grub, razbježali bi se iz tvoje blizine.“ (Ali 'Imran, III, 159)

I kaže Uzvišeni:

„Zlo dobrim uzvрати, pa će ti dušmanin tvoj odjednom prisni prijatelj postati.“ (Fussilet, XLI, 34)



On bi se odazvao onom ko bi ga pozvao i prihvatao je dar čak i ako je bio bila ovčija nožica i na njega uzvratilo.

Enes je rekao: „Služio sam Allahovog Poslanika, da ga Allah blagoslovi i podari mu mir, deset godina i nikada mi nije rekao ni ‘Uf!’ Nije mi rekao ni za šta što sam uradio: ‘Zašto si to uradio?’ niti za ono što nisam uradio: ‘Zašto to nisi uradio?’” (Muslim)

A'isha je rekla: „Niko nije bio bolje ćudi od Allahovog Poslanika, da ga Allah blagoslovi i podari mu mir. Kad god bi ga neko od ashaba ili ljudi iz njegovog ummeta dozvao, on bi uzvratilo: ‘Lebbeyke (odazivam ti se)!’” (Ebu Nuajm)

Džabir Ibn ‘Abdullah je rekao: „Allahov Poslanik se nikad nije odao šali osim sa ženama koje su stale pored muslimana i kad bi god nešto čuo smijao se.” (Muslim)

Šalio se sa ashabima, sastajao bi se sa njima i razgovarao, igrao se sa njihovom djecom. Dozvoljavao im je da sjede u njegovoj sobi i

odgovarao je na poziv i slobodnog čovjeka i roba i robinje i siromašnog. Posjetio bi bolesnog i u najudaljenijem dijelu Medine, a prihvatao je ispriku svakoga ko god bi mu je ponudio.

Enes je rekao: „Kada bi neko govorio u uho Allahovom Poslaniku, on bi pomjerio svoju glavu sve dok taj ne bi prvi pomjerio svoju. Kad bi ga neko uzeo za ruku, on je ne bi povukao sve dok taj koji ju je uzeo ne bi je pustio. Nije viđen da je ikada stavio svoja koljena ispred nekoga ko je sjedio do njega.” (Ebu Davud, Tirmizi, Ibn El Bezzar)

On je prvi pozdravljao kada bi sreo nekoga. On se prvi rukovao sa svojim ashabima. Nikada nije viđen da je ispružio noge među ashabima da bi stisnuo nekoga od njih. Počastio bi svakoga ko bi mu došao. Ponekad bi prostro svoju odjeću za njega i ponudio mu mjesto na kojem je on sjedio, dajući prednost toj osobi nad sobom.

// Autor: El Jahsubi, knjiga Šifa

"

POSLANIK A.S. JE PRIPADAJO PRAVOJ GOSPODI. NIJE BIO SKLON KIČU. NIJE SE HVALISAO. NIJE ŽELIO NIKOGA IMPRESIONIRATI. LUKSUZ JE VIDIO KAO VRHUNAC ISPRAZNOSTI. ALI NJEGOVA GOSPOŠTINA NIJE BILA SNOBOVSKA – ON JE POSLANIK KOJI HODA PO ČARŠIJI. DRUGIM RIJEČIMA, ON SE DRUŽI S LJUDIMA. ON NIJE OD ONIH KOJI IZBJEGAVAJU DA IM SE STANE NA SJENKU."

Iz onoga što znamo, Poslanik je lijepo govorio i cijenio lijep govor. Njegove hutbe su bile kratke i jezgrovite. Njegove misli organizirane. Govorio je tako precizno da ga je bilo lahko zapamtiti.

Na osnovu njegove posvećenosti Kur'anu i očaranosti Kur'anom, prepoznamo istančan osjećaj za jezik. Ta je očaranost bila estetske prirode, a ne ideološke.

Njegovi vazovi nisu bili performansi. Nije mahao rukama kada je govorio. Nije galamio. Nije vukao ljude za rukav. Nije histerisao. Nije se kreveljio. Bio je usredsređen na sadržaj onoga što je govorio. Nije bio samozaljubljeni orator. Govorio je zato što mora da govori, a ne zato što je uživao u vlastitoj elokvenciji.

Težio je da izloži principe i da iznese ono što je bitno. Slušao je druge ljude i imao kulturu slušanja. Iskreno ga je zanimalo šta imaju reći. Ali, najvažnije: nije prečesto vazio.

Ibn Me'sūd prenosi kako bi Poslanik "razgodio" svoje vazove bojeći se da dosadi ashabima. (Bojimo se da će, s druge strane, poplava vazova koju su omogućile društvene mreže, dati kontraproduktivne efekte.)

//www.preporod.com, Poslanikova, a.s., gospoština, autor Samedin Kadić



ISLAMSKA IZVORNOST SUŽIVOTA

Suživot u islamu bazira se na vjerskim pravilima, jer je islam vjera koja priznaje neistomišljenike i pazi na njihova prava te poziva na međusobno pomaganje i mirni suživot s njima.

U zvišeni kaže: Reci: "O sljedbenici Knjige, dođite da se okupimo oko jedne riječi i nama i vama zajedničke: da se nikome osim Allahu ne klanjamo, da nikoga Njemu ravnim ne smatramo i da jedni druge, pored Allaha, bogovima ne držimo!" Pa ako oni ne pristanu, vi recite: "Budite svjedoci da smo mi muslimani!"[1]; „Potpomožite se u dobroćinstvu i bogobožnosti, a ne potpomožite se u grijehu i skrnavljenju pravde!"[2]

Allahov Poslanik, s. a. v. s., izuzetno nam je dobar primjer u primjeni suživota, na kojem je uspostavljena medinska zajednica muslimana na način da obuhvata prava svih njenih građana i širi principe saradnje i razumijevanja među svima, muslimanima i nemuslimanima. Poslanikovo, alejhis-selam, razumijevanje suživota može se spoznati pažljivim iščitavanjem (Karavi, 23: 2013) alineja Medinske povelje (622), koja jasno kaže kako „jevreji imaju jednaka prava kao i muslimani", a kršćani nisu spomenuti zato što ih nije bilo u Medini; nije upotrijebljen termin „manjina" da bi se označili nemuslimani – iako su oni u stvarnosti bili manjina, nego je upotrijebljen termin ummet za sve,

tako da je u njemu zapisano "da su Jevreji ummet, zajedno s vjernicima"; Povelja propisuje da pripadnici drugih vjera imaju pravo da obavljaju sve što je u vezi s njihovom vjerom; da su muslimani poput građevine, da su i Jevreji s vjernicima također poput građevine, da svako ima svoju vjeru, ali su svi jedan ummet (zajednica) – međusobno treba da se solidarišu, pomažu, savjetuju i čine dobro, a ne ono što je grijeh.

Primjere Poslanikovog poimanja suživota nalazimo i u pismima koja šalje perzijskom vladaru Kisri: "U ime Allaha, Svemilosnog, Milostivog. Od Muhammeda, Allahovog poslanika, Kisri, perzijskom vladaru. Neka je mir na onoga ko slijedi uputu, vjeruje u Allaha i Njegovog Poslanika i svjedoči da nema boga osim Allaha Jedinog, Koji nema sudruga, i da je Muhammed Njegov rob i Njegov poslanik. Pozivam te Allahovim pozivom, jer sam ja Allahov poslanik svim ljudima, da upozorim onog ko je živ i da se obistini Riječ nad nevjernicima. Prihvati islam, pa ćeš biti spašen! A ako odbiješ, bit ćeš kriv za grijeh vatropoklonika!"



Pismo sličnog sadržaja šalje i bizantijskom caru Kajseru: "U ime Al-laha, Svemilosnog, Milostivog. Od Muhammeda, sina Abdullaha, Heraklu, bizantijskom vladaru. Neka je mir na onoga ko slijedi uputu. Nakon toga, pozivam te Allahovim pozivom: Prihvati islam, pa ćeš biti spašen i Allah će ti dati dvostruku nagradu! A ako odbiješ, bit ćeš kriv za grijehe zemljoradnika (kojima je vladao)!" Reci: "O, sljedbenici Svetih knjiga, dođite da se okupimo oko jedne riječi koja je i kod nas i kod vas ista – da samo Bogu robujemo, ništa mu ne pridružujući i ne uzimajući jedni druge za gospodare mimo Boga!" Pa, ako odbiju, recite: „Budite svjedoci da smo mi pravoj vjeri predani!"[3]

U pismima nema izraza: Ako ne primiš islam, plaćaj porez ili ćemo se boriti!, jer su porez ili borba propisani za one s kojima se u ratu.

Normativne i moralne vrijednosti suživota kojima nas uče osnovni izvori islama snažno su zastupljene u bošnjačkom kodu ponašanja. Poslanik, alejhis-selam, uči nas da je „svaki čovjek stvoren da čini ono što mu je učinjeno lahkim“. Nama je lahko da našu li-

jepu Bosnu volimo i doživljavamo svojom sa svima kojima je lijepa i srcu draga, bez obzira na vjeru, ime i porijeklo bilo koga kome je draga. To smatramo ljudskom i vjerskom dužnošću.

U pokušaju da pojasnimo naše razumijevanje izvornosti suživota navest ćemo najznačajnije citate iz islamskog učenja i tumačenja naše uleme važeća za naše bosansko poimanje suživota.

Islam priznaje postojanje vjera, jezika i nacionalnosti. Uči da se muslimani prema drugim zajednicama ophode časno, bez podvala, nepravde i samovolje. U ranom muslimanskom društvu živio je židov, kršćanin, manihejac i politeista i imali su prava i dužnosti. Prakticirani su komšijski odnosi i saradnja s drugima i drugačijima, jer je temelj u međusobnim odnosima komšija na ovoj Zemlji pretpostavka da žive u duhu međusobnog razumijevanja i saradnje za dobro svih tako što će jedan drugoga za ruku uzeti, a da niko nikome silom neće nametati svoj jezik, vjeru, načela ili mjerila.

// www.islam.ba, dr. Senad Ćeman

Lite är tillräckligt

Sheikh Antonio de Diego González, Cordoba, Spanien

Prisad vare Allah, skaparen, den som är början till allt och den som skapar allt. Allahs böner och Hans välsignelser vare hos den som upprätthåller det absoluta värdet och är värd att berömmas, vår profet och på hans folk och hans följeslagare ända till Domedagen.

Kära systrar och bröder, ännu en fredag fortsätter vi att utforska profeten Mohammeds ord, frid vare med honom, i sammanställningen av de fyrtio haditherna. Små stunder av reflektion och meditation för att finna oss själva i sunna, för att lära oss att leva den. Ett nödvändigt påminnelse i en värld där skuggor avancerar med stormsteg. Dagens hadith säger:

L*ite som tillfredsställer är bättre än ett överflöd som distraherar. (Musnad al-Daylami, 6606)*

Detta är en perfekt berättelse för en tid som den vi lever i, där distraktion är allstädes närvarande. De har fått oss att tro, systrar och bröder, att materialism och individualism är nyckeln till att tillfredsställa oss själva. Tillfredsställa våra önskningar? Det borde det vara... Det blir dock en inget mindre än brutal och nedslående upplevelse. Vi lever i en värld där väldigt lite tillfredsställer oss och mycket distraherar oss från verkligt arbete – vilket, som det arabiska ordspråket som Al-Ghazali senare skulle omarbete, sade: "Den som känner igen sig själv, känner igen sin Herre" (Hilyat

al-Awliya 10/208).

V*år värld prioriterar brådska, här och nu, produktivitet och konkurrenskraft. Ärligt talat, tillfredsställer inte något av det oss? Nej, mer och mer frågas av oss och vi märker hur luften lämnar vårt bröst och den smalnar av... Det är vår tids dramatik som dock profeten visste hur han skulle se med sin djupsinne. Hyperverkligheten som vi lever i ber oss att ha mer av allt och samtidigt, ju mer vi har, desto mindre värdesätter vi. Allah, den Allsmäktige, säger i Koranen: MÄNNISKAN förtröttas inte att be om goda ting, men när hon drabbas av ett ont tappar hon modet och misströstar [om Guds nåd]. (41:49)*

Vi har förlorat förmågan att mäta testerna, att mäta oss själva, med så mycket tomt överflöd, eftersom verkligt överflöd kommer i Paradiset där vi ingenting kommer att sakna. Kära systrar, kära bröder, det är därför hadithen uppmanar oss att meditera över det faktum att lite som fyller är bättre än mycket som distraherar. Distraktionen av egot, av girighet, av begär känner fortfarande vägen, för så säger Allah, den Högste, i Koranen: Och om du, efter att ha fått all den kunskap som kommit dig till del, tillmötesgick deras önskningar, skulle ingen kunna skydda dig mot Gud, ingen ta dig i försvar. (13:37) Att vara medveten om tillräckligt är att tillämpa gudsfruktan på det liv vi lever. Och Han, den Högste och Mäktiga, vet bäst.

Det goda, kära systrar och bröder, finns i måttlighet och balans. Lite, i sitt rätta mått, är inte brist utan det goda. Det är fullständigheten som väntar oss och låter oss växa. Vi skulle kunna ge det bästa exemplet med vatten, som när en växt vattnas med rätt mått vatten så att dess rötter inte ruttnar. Lite kallar till sig lite och strömmar utan stora mängder, men paradoxalt nog saknas det aldrig som i en underjordisk bäck. Överflöd är som en damm där vattnet ruttnar och skadliga insekter och sjukdomar uppstår, den förnyas inte och marken blir vattensjuk. Ingenting kommer från det förutom det dåliga och det skadliga. Det har sagts att de som inte är en källa och föredrar att vara en damm andligt blir snabbt korrumperade, deras ego växer överdrivet och attackerar deras hjärta.

Hjärtat behöver måtta och lite av allt, för det är väldigt skört. Denna brist kompenseras med fröet, navet (kärleken), som växer långsamt med det lilla vattnet. Det är Paradisets frö. För att det ska kunna renas måste vi hålla det överdrivna borta från det, vi måste arbeta med minnet av den Allsmäktige och veta att Han är tillräcklig, Han är nog. Vi behöver lite annat, något att leva på, men utan överskott. Han, den Högste och Generösa, säger i Koranen: Bönen avhåller [den bedjande] från skamlösa handlingar och allt som strider mot rimlighet och förnuft. Men först och störst är åkallandet av Guds namn. Och Gud vet vad ni gör. (29:45)

Av denna anledning behöver tillbedjan aldrig överdrifter, utan behöver snarare rätt ögonblick och full disposition. Resten överstiger, det kan komplettera, men det kan distrahera oss. För tillbedjan behöver vi inte vackra mattor eller marmormoskéer, utan oss själva inför Allah med våra hjärtan i qibla mot Honom. I fastan, och särskilt efter den,





behöver vi inte en överdådig bankett, utan snarare mat som ger oss kraft och får oss att tacka. I zakat och sadaqa behöver vi inte visa hur mycket vi ger och att vår generositet är störst, utan snarare ge den tyst och med avsikt. I Hajj behövs inte femstjärniga hotell eller bussiness class, bara ett vitt tyg som täcker oss och påminner oss om hur sköra vi är inför Verkligheten. Tillbedjan är den som bäst fångar denna hadith från sunna: låt oss fly från falsk överflöd och det överflöd som matar våra begär, det räcker för oss med Allah, den Högste.

Hur svårt det här är, kära systrar och bröder, i detta sinnesrike där vårt "jag vill" styr över allt. Vår väg är att hitta mittpunkten och bibehålla den, och därför komma ihåg den versen i Koranen som säger: Efter [allt] detta förhärskades era hjärtan och blev som stenar – hårdare än stenar. Det finns klippor som låter källådror springa fram och klippor som, när de rämna, lösgör vatten. Och det finns klippor som störtar i djupet i bävan inför Gud. Gud förbiser ingenting av vad ni gör. (2:74)

Låt oss därför sträva efter att komma ihåg, känna igen och njuta av vad Allah, den Allsmäktige, ger oss. Må Allah ge oss den mellanvägen. Må Allah blidka våra hjärtans önskan.

Må vår tillbedjan vara motgiftet mot de materialistiska idolerna i vår värld. Må Allah ensam vara nog för oss.

Låt oss därför be Allah, den Högste, om Hans Sändebuds ljus så att våra hjärtan inte brinner ut i omedelbarheten och ordens eld, innan vi skymtar det fulla verkligheten.

Låt oss be Allah om ljus och fred att vara tack samma för hans skapelse och övervinna rädslor för den autentiska kraften som borde styra våra hjärtan.

Låt oss be Allah genom renhet att öka vår tro, rena våra hjärtan och fylla dem med Islams ljus.

Låt oss be Allah att rena våra förfäders själ, vår, våra föräldrars och alla troendes.

Efter att ha sagt detta ber jag Allah välsignelser för alla. Må våra ord vara underlydnad till vår Herre, världarnas herre.

//

Fredag den 6 Safar 1444/ 2 september 2022


Cordoba – Spanien

[Www.Islamisktforum.se](http://www.Islamisktforum.se)



- * Ne živi se da bi živio već da bi oživio!
- * Što više imaš, sve se više nemaš!
- * Većina je dobro situirana, ali im je ipak teška situacija!
- * Ko ne zna za Dobrog, nije mu dobro!
- * Većina živi za godišnji odmor, a malo za vječni!
- * Kad ih pitaš šta ima, svi kažu: borba za život. Ok, samo za koji život?
- * Zar nije sramota živjeti bez života?
- * I dušom poselami svakog!
- * Put Miljenika voljenog je: Voljeti svima što i sebi!
- * Ko se za Njega ne veže, sve živo ga steže i sve mu teže i teže!

// iz knjige "Put, a ne usput", autora hafiza Sulejmana Bugarija



KAD SLOBODA POSTANE IDOL, A ŠUTNJA PRESUDA

Prijatelju moj, kad sam te pitao u kojoj zemlji bi volio živjeti – u onoj u kojoj je sve dozvoljeno ili u onoj u kojoj je sve zabranjeno – ti si, bez oklijevanja, odabrao zemlju u kojoj je sve dozvoljeno, a ne onu u kojoj je sve zabranjeno. Tvoj odgovor bio je kratak, ali u meni je otvorio dugu šutnju i bezdan misli. Jer, šta znači živjeti u prostoru u kojem ti drugi kroje granice slobode? Šta znači disati u zemlji u kojoj ti je svaki dah mjeran mjerom vlasti, a svaka riječ stavljena na vagu straha?

Ja dugo prebivam u tom pitanju i ono mi je poput ponora. Svaki put kad mislim da sam pronašao oslonac, tlo se izmiče. Ali jedno znam: sloboda je prva iskra ljudskosti. Bez nje, život je samo duga sjena ropstva.

Pogledaj Egipat – zemlju drevnih piramida, ali i novih faraona. Tu, gdje su riječi muftije izbrisane iz straha, a narod, lišen glasa, šalje boce mlijeka morem da doplove Gazi. To more postalo je svjedok da i u najmračnijem kutku ljudska duša traži put slobodi. Ali, isti taj Egipat pokazuje da je papir demokratskog listića, natopljen voljom naroda, za tirane strašniji od atomske bombe. Zato Mursijev pad nije samo politička epizoda – to je presuda jednoj nadi, poruka svim narodima: “Ne pomišljajte da sloboda dolazi putem olovke, jer olovka je oštija od svih sablji.”

Ako demokratija štuje slobodu kao božanstvo, ona je idol što razara vlastite temelje. Ako tiranija zatvara nebo slobode, ona je okov koji satire vjeru iznutra. Oba puta, i put bezgranične

slobode i put sveopće zabrane, odvode čovjeka od smisla. Narod koji slijedi prvi tone u bezdan samodopadnog uživanja, narod koji slijedi drugi umire pod ledom nametnutog straha.

Ali reci mi, prijatelju, kako to da se većina uvijek skriva u tišini? Kako je moguće da narodi, bilo pod idolopoklonstvom demokratije, bilo pod jarmom tiranije, ostaju nijemi dok se oko njih ruši svijet, dok pravda gori, dok djeca u Gazi umiru? Zašto ne progovore, ne ustanu, ne probude se? Zar ne znaju da je šutnja, također, izbor, da je šutnja, također, krivnja?

Moje je uvjerenje da narod jeste odgovoran. Jer narod koji pristane da živi bez slobode, bilo da je obmanut lažnim idolima demokratije ili da je zarobljen strahom režima, narod koji šuti – taj narod, zapravo, bira vlastitu propast.

A Gaza – Gaza je posljednji svjetionik koji razdire tamu. Njeno postojanje već je pobjeda. Možda će sutra nestati s karte, ali neće nestati s nebesa. Ona je probudila oči svijeta, raskrinkala laži stoljeća i pokazala da i jedan mali narod, kada je vjeran istini, može stati uspravno pred careve i imperije.

Zato, prijatelju, pravo pitanje nije: “Da li bi živio u zemlji gdje je sve dozvoljeno ili u zemlji gdje je sve zabranjeno?” Pravo pitanje glasi: “Možeš li živjeti u zemlji gdje narod šuti?” Jer tišina naroda je najveća zabrana i najveća dozvola – u isto vrijeme dozvola zlu da vlada i zabrana dobru da progovori.

// www.preporod.info, Mustafa Bećirović



! Kada sam 1971. godine bio u Parizu, jeo sam pečene patke u sosu od gljiva, zelenu salatu s orasima i kriške crnog i bijelog hljeba, ali se u moj stomak uskoro uvukla neobična i nepoznata glad: bio sam sit a gladan.

Nakon tri mjeseca provedena u Parizu vratio sam se kući u Bosnu; u vozu za Bosnu jedna Bošnjakinja jela je svoju pitu; dala mi je komad te svoje pite i sva mi je ona glad najednom iščezla."

“A moj je put stalna borba da budem baš u granicama koje mi je Allah odredio i sve činim da Allahu omilim. I neprekidno se trsim i trudim da od niti svoje sudbine ispletem dobru, udobnu i čistu odjeću koja će mi sasvim pristajati, u kojoj ću se ugodno osjećati i koju ću u duši i s mirom i sa strašću nositi ako treba i do na kraj svijeta i do kraja dosuđena mi vijeka..."

“Sve su knjige već napisane, samo ih niko ne čita. Pa i oni koji čitaju ne znaju da čitaju!

Eno Kur'an, riječi od Boga, sve slovo do slova ko krila meleka, pa ih mnoge ljudske oči ne vide."

*

NEDŽAD IBRIŠIMOVIĆ

pjesnik, pripovjedač, romansijer, esejist, grafičar i kipar. Rodio se u Sarajevu, a djetinjstvo je proveo u Žepču. Od šesnaeste godine ponovo živi u Sarajevu gdje završava Školu primijenjenih umjetnosti, odsjek vajarstvo, a zatim Filozofski fakultet. Čuveni su njegovi romani: Karabeg, Ugursuz, Braća i veziri te monumentalno djelo Vječnik; historijska pripovijest Zmaj od Bosne, knjige pripovijedaka: Kuća bez vrata, Bio jednom jedan. Na Ahiret je preselio 2011. godine, a ukopan je u haremu Ferhadije džamije u Sarajevu.

PITANJA I ODGOVORI

Islamska zajednica u Bosni i Hercegovini - Pitanja i odgovori

GLASANJE U NEMUSLIMANSKIM DRŽAVAMA PITANJE

Esselamu alejkum!

Zanima me da li je nama muslimanima haram glasati u nemuslimanskim državama na izborima za "stranačke programe" koji nisu šerijatski prihvatljivi (npr. odobravanje homoseksualnosti i sl.) i da li nas glasanje za kandidate koji imaju koliko toliko povoljan program za muslimane u nemuslimanski državama uvodi u širk i kufr, kao što tumače neke osobe koje završe fikih na islamskim fakultetima u arapskim zemljama?

Odgovor

Muslimani građani nemuslimanskih država imaju pravo izaći na izbore i glasati za one kandidate i stranke za koje ocijene da imaju najbolje i najkorisnije programe. Da li će to pravo ostvariti u konkretnom slučaju, zavisi od procjene da li je bolje da izađu ili ne na izbore. Glasanje na tim izborima nije širk niti kufr, već dobro djelo ukoliko se radi s namjerom da se dadne glas boljim, a spriječe da dođu na vlast gori kandidati.

Dužnost je od dva zla odabrati manje, također, treba spriječiti veće od dva zla ukoliko je to moguće, ili makar pokušati. Glasanje ne treba dizati na razinu akaidskog pitanja, već treba ostati na razini praktičnog, kao što i jeste.

MUZIČKI INSTRUMENTI NA SVADBI

Pitanje:

Esselamu alejkum!

Da li je dozvoljeno da na večeri poslije svadbe neko otpjeva sevdalinku uz pratnju muzičkih instrumenata?

Odgovor:

Esselamu alejkum!

To je dopušteno, analogno dopuštenosti korištenja deffa tokom svadbene svečanosti.

PRISUSTVOVANJE CRKVENIM VJENČANJIMA

Pitanje:

Esselamu alejkum!

Da li je muslimanima zabranjeno da prisustvuju crkvenom vjenčanju dvoje katolika? Naime, pozvan sam na svadbu i u okviru svadbe će se održati katoličko vjenčanje u crkvi. Da li je grijeh da prisustvujem?

Odgovor:

Esselamu alejkum!

Biti posmatrač tog vjerskog čina nije zabranjeno, ali bez učešća u obredima koji ga prate.

DA LI JE DOZVOLJENO DRŽATI FOTOGRAFIJE NA VIDLJIVOM MJESTU U KUĆI?

Pitanje:

Na polici u dnevnom boravku imam nekoliko fotografija svoje djece. Da li se zabrana oko držanja slika sa likovima odnosi i na to?

Odgovor:

Nema jasnog dokaza da se pojam "tasvir" (oblikovanje) koji se koristi u hadisu u kojem se navodi njegova zabrana, odnosi na fotografske snimke, jer takve vrste tehnike, odnosno fotografisanje, nije bilo u vremenu kada je izrečena spomenuta zabrana. Podvođenje fotografisanja pod spomenutu zabranu nema čvrsto utemeljenje. Riječ je samo o pukoj tvrdnji. Imenovanje fotografisanja "tasvirom" u ovom vremenu ne znači da se na taj postupak odnosi zabrana tasvira navedena u hadisu.

KOJE JE MESO HALAL?

Pitanje:

Zbunio me Vaš odgovor na pitanje da li je dozvoljeno jesti meso životinje koja nije zaklana ni u čije ime. Navodim ga sa stranice: „Meso životinje koja nije zaklana ni u čije ime može se jesti, a prilikom konzumacije treba proučiti bismilu. Ukoliko je dostupno prvo, ne treba posezati za drugim rješenjem.“ U 121. ajetu sure Stoka stoji: „Ne jedite ono pri čijem klanju nije spomenuto Allahovo ime, to je, uistinu, grijeh.“ Po mome skromnom mišljenju navedeni ajet isključuje svako meso koje nije halal.

Odgovor:

Tačno je da spomenuti ajet isključuje iz dozvole svako meso koje nije halal. Međutim, ono što smo spomenuli u našem odgovoru spada u halal meso. Na to ukazuje jedan hadis u kojem se navodi da je supruga Vjerovjesnika a.s. upitala o mesu koje im se šalje kao poklon iz krajeva u kojem su ljudi tek bili primili islam pa im nije poznato da li su prilikom klanja spomenuli Allahovo ime ili ne, na šta je on odgovorio: "Proučite Bismillu prije jela i jedite ga".

Iako je velika vjerovatnoća da ljudi koji su tek primili islam ne poznaju sve detaljne propise, u šta spada i propis o klanju, pa se ne može očekivati ni da ih praktikuju, Vjerovjesnik a.s. je ukazao na izlaz u toj situaciji, a to je da se prouči Bismilla prije jela. Naravno, ovo se odnosi uglavnom na slučaj zaborava ili nepoznavanja pravog stanja stvari u vezi sa klanjem životinja. Svi ostali slučajevi ostaju u okviru zabrane.

KAKO POSTUPITI AKO ZAKASNIMO NA DŽUMU-NAMAZ?

Pitanje:

Kako postupiti ako se zakasni na džumu namaz, tj. ako je efendija na minberi?

Odgovor:

Kada se imam ispenje na minber, treba dovršiti započeto klanjanje sunneta i prestati dalje klanjati. Ako je imam već na minberi, ne treba započinjati klanjati sunnet, već treba slušati hutbu koja je farz/šart, tj. uvjet ispravnosti džume. Farz je preči od sunneta.

FACEBOOK



You Tube

IZBUS

WWW.IZB.SE



Media centar
Islamske zajednice u BiH

Radio



Novina

Preporod

ISLAMSKA
INFORMATIVNE
NOVINE

Agencija



Portal



Produkcija





Bosniakiska Islamiska Samfundet

Åkerssjövägen 10, 461 53 Trollhättan
Tel: 0520 49 90 64 Mobil: 076 310 24 47

BIF Borås

Teknikgatan 9
504 62 Borås
Mobil: 076-329 53 01

BIF Halmstad

Gesällgatan 2A
302 55 Halmstad
E-mail: halmstad@izb.se

BIF Kalmar

C/O Pepic/Meric
Trollbackevägen 20
393 52 Kalmar
Tel: 076-941 40 68

BIF Landskrona

Engelbrektsgatan 5
261 33 Landskrona
Tel: 0418-100 83 /
076 559 15 04

BIF Norrköping

Norra Promenaden 125
602 22 Norrköping
Tel: 073 573 96 59

BIF Skövde

Box 7
541 21 Skövde
Tel/Fax: 0500-48 25 43

BIF Trelleborg

Hedvägen 172
231 66 Trelleborg
Tel: 073-076 91 96

BIF Varberg

Träslövsvägen 60
432 43 Varberg
Tel: 073-666 03 55

BIF Växjö

Arabygatan 80
352 46 Växjö
Tel: 073-706 27 62

BIF Gislaved

Sörgårdsvägen 3
332 37 Gislaved
Tel: 070-025 74 35

BIF Helsingborg

Bjäregratan 10
252 48 Helsingborg
Tel: 0769-38 33 31
E-mail: helsingborg@izb.se

BIF Karlstad

Horsensgatan 220
654 58 Karlstad
Tel: 0586-558 8
E-mail: karlstad@izb.se

BIF Linköping

Magasintorget 3
582 26 Linköping
Tel: 072-018 44 56 /
0737794192

BIF Oskarshamn

Stengatan 11
572 55 Oskarshamn
Tel: 073-848 61 23

BIF Stockholm

Frodevägen 8
163 43 Spånga
Tel: 08-653 68 21

BIF Trollhättan

Gjutmästaregatan 1
461 54 Trollhättan
Tel: 072-281 05 24

BIF Vetlanda

Kyrkogatan 39
574 31 Vetlanda
Tel: 073-511 54 27

BIF Göteborg

Generalsgatan 5
415 05 Göteborg
Tel: 076-036 29 40

BIF Jönköping

Mellangat 40
554 51 Jönköping
Tel: 072-279 07 00

BIF Motala

Agneshögsgatan 77
591 71 Motala
Tel: 0764170789 /
0722830107

BIF Malmö

Box 8120
200 41 Malmö
Tel: 0769 286 203

BIF Surte

Box 2103
445 02 Surte
Tel: 0704 648 762

BIS-F Trosa

C/O Adis Osmanovic
Skolvägen 9,
619 71 Vagnhärad
Tel: 0735 053 166

BIF Värnamo

Boagatan 1 (gula huset)
331 37 Värnamo
Tel: 0370-65 76 00

BIF Västerås

Ritargatan 4
724 66 Västerås
Tel: 070-657 78 65

BIF Örebro

Karlslundsgatan 81,
703 47 Örebro
Tel: 019 18 48 26 /
070-773 13 50

INFORMATIVNE NOVINE
ISLAMSKJE ZAJEDNICE BOŠNJAKA U ŠVEDSKOJ

Glavni urednik:

Idriz-ef. Karaman,
glavni imam

Izvršni & tehnički urednik:

Nezir-ef. Špiodić

E-mail:

bilten@izb.se

Web:

www.izb.se

Izdavač:

Islamska zajednica Bošnjaka u Švedskoj

SEKRETARIJAT

Mail: kontakt@izb.se

Tel: 0520-49 90 64

Mob: 0763-10 24 47

Adresa: BIS, Åkerssjövägen 10,
461 53 Trollhättan



BOSNIAKISKA ISLAMISKA SAMFUNDET
ISLAMSKA ZAJEDNICA BOŠNJAKA U ŠVEDSKOJ

كُلُّ عَمَلٍ رَدٌّ وَلَا تُفْرَحُ بِخَيْرٍ

مَوْلِدُ النَّبِيِّ
مَحَمَّدٍ

المولد النبوي الشريف
Mawlid Al Nabi Al Sharif



BOSNIAKISKA ISLAMISKA SAMFUNDET I SVERIGE
ISLAMSKA ZAJEDNICA BOŠNJAKA U ŠVEDSKOJ